

昌樂縣續志卷三

山川志

禹貢畫州必以山川為界此為都邑志山川之原則蓋以都邑有變動遷徙山川則為固定物永久不易後之人因山川以定疆域朗若列眉矣昌樂前志山川間有疏漏茲就現今地形及名稱詳加攷核增補之作山川志

昌樂舊志稱山縣而縣城據境極西北隅去壽光界僅十里西距益都界十五里東距濰縣界二十五里北面無山山水之窟惟東南西南兩隅耳城東南十里外孤山舊志名鳳山特起一峯壁立千仞為邑東保障城脈蓋由此焉山西南有穴曰龍洞禱焉輒雨為邑八景

昌樂縣續志

卷之三

山川志

一

之齊乘云宋封山神曰廣靈侯其上有夷齊廟郡志曰孤山之風可肅薄夫即此山形北面如蹲虎南面似臥龍西南有仙人桌石大如炕前有大人跡後有巨石方圓亦如桌形自東而西七八里山前有石羅列周圍數畝遙望如牆壁高數尺或尺許不等天然生成之石欄也由孤山之陽蜿蜒而西約二里曰官山昔修縣城皆用此山之石因名焉土人則呼為臥駝山 逆西里許曰長龍山南折三四里曰卸甲山野老相傳韓信曾在此處卸甲乘涼故名今名開山口 中山紀念林場在焉連諸草山子坡造林面積數百畝現植琴樹側柏萬餘株樹木茂美葱蘢悅人山至此微伏復南構而東折自孤山之陽而東曹西

樓莊北

曰虎埠又東里許劉宣家莊北

曰馬山又東里許劉雙全莊北

曰牛山

又東里許

王家莊北

曰羊山自此一伏漚河自峽中出焉東北二里即

朱劉店鎮由朱劉店東稍南五六里曰虎頭山其上有兩石相對

如虎頭故名自朱劉店東南三里許曰草路山迤東南五里曰箕

子山野老相傳殷朝箕子佯狂率多數人出奔高麗路經此而駐

宿山因名焉又南微東三里

劉昆莊東南

曰五黨山迤西辛旺鎮東北

十里曰駝山辛旺鎮北九里曰塌山迤西北里許曰黑山

即鐵山

滿

山鐵石如覆盆然雨過則明若龍鱗亦奇觀也又西曰大山

即丁家山

在大山北

南莊東北

有老龍潭在溝中漚河流其間

溝曰仙術

兩岸多石

仆立不等水流石上亂湔白花自大山迤西

王家莊南三里

曰老石坑產

花石又西曰謝家山曰旗臺山再西

劉宣家莊南

曰羅圈山再西即伏

昌樂縣續志

卷之三

山川志

二

而為埠矣

方山距城二十里邊下鎮之正東其山橫亘頂平如坻四望皆方

故名即金史所載北海縣注之方山是也山半有神祠神臺座下

有古洞其深莫測祠前石池深可六七尺冬夏不溢不竭內畜金

魚池畔古槐繞藤綠竹夾道紫薇黃楊羅列左右遇旱虔禱輒應

寺外翠柏蒼然稱一邑之勝踞邑巽方儼若屏障西山頂最高陡

立二三里升其頂東行五里許為東山頭其下山半有古洞名迎

旭洞從洞口西南折兩山夾之為老嶠峪上有石長數十丈遙望

如人晒一褲然山上周圍築石為砦為捻匪北擾時鄉民築以避

亂者山之東南麓伸出半里許謂之行山以其像太行山也又東

特起一峯曰讀魯論山山頂有石長方而平俗傳宋趙普嘗讀魯

論於此然不可考矣迤東又漸低如埠一峯突起名小終南山在耿

家店子莊南方山東面多碌磧坑其東出之脈曰馬山曰團山曰黃山

亦名四泉山再東南二里許嶺埠起伏曰文陵曰信陵汙河之源出焉

再東曰唐埠又東二里一山曰思母山徐將軍莊西里許又東曰泥溝山

方山西出之脈至丹水崖而止惟當中一脈結瓶子山頂尖戴石

形如牡丹一朵綻蕊初開又北曰草山山下出泉即淮河之源再

北曰小鳳山形如貫珠北至吳家池子莊東伏下

縣境之山以西南方為最多皆發脈於臨朐之凡山今名紀山其

脈來自沂山即入境可紀者言之城西南三十里有突兀而起兩

昌樂縣續志

卷之三

山川志

三

峯並峙東西羅列者曰雙山其北五里曰岳泉鎮迤北二里其地

微高中有伏石顯露如伏羊曰羊山又東北里許曰常家山東臨

丹水東北角有石瀨一邑之山惟北巖鎮之域內諸峯特秀曰倉

山曰喬山倉山之陰曰小石山山形如兜鍪俗呼帽子山下臨丹

水逢佳節村人多宴會其上東北曰荆山南曰丁家山以丁氏聚

族於此得名北巖鎮之東南曰整子山又東南曰任家埠又東南

五里許曰西黃山以東黃山而名之也北巖鎮之西南曰二姑山

野老相傳有二仙姑出家於此

喬山聳立千仞秀拔異常上有仙人路即縣城對案之文筆峯也

山西坡有石孔秋出紅水孔下有石岸如鼻故山下有村曰仰望

鼻迤西三里有蠍子山山陰有深溝遠望如伏蠍故名東曰豹山
山正南曰無忌山因無忌塚名焉西南曰宗家山西北曰桃花山
舊志謂山多桃花今濯濯矣又西南曰韓家山又西曰龍頭山復
折而東南曰黑山再西諸山曰車絡頂如城牆然再西即臨朐縣
境矣自北巖鎮東北十里曰邊下鎮言村居皆在山邊下也

擂鼓山舊志云離城五十里即白狼河發源處東南角一峯銳出

曰尖山在張莊西南由擂鼓山西南東李家莊南五里許曰柳山在邑西南

邊界屬臨朐者多屬昌樂者少雖無奇峯異跡而是山之可貴者
在四圍高而中凹入其內坦然若孟東南有泉流為溪澗咸豐辛
酉之亂附近居民築砦而居者皆賴以安張莊鎮之東南曰福山今日卞家山

昌樂縣續志 卷之三 山川志 四

迤東數里曰杏山南二里許曰歇山踰山而南曰鄗部鎮即古鄗城也

其西北秦家莊子西南曰雪山鍾家莊西曰四山鄭家莊西曰高山鄗部西十里曰

松山迤西皆山曰西嶺入臨朐境矣鄗部東二里許曰馬駒嶺上
有大王廟又東南突起一峯曰碌石山山脈南入安邱境踰嶺而

北十五里曰北展鎮其山之有名者曰鄧閣埠土人相傳有神居
焉現在廟貌香火甚盛鄧閣埠之西北曰夫子山又西北即淳于

髡塚周圍數里亦若小山然蓋依小山為墓北展鎮正北曰臥虎山西曰

黃山以二山東西羅列大小相等又曰雙埠迤西北皮匠官莊南曰大

山喬官鎮之西南二里許曰隋姑山山有隋姑廟隋姑之由名碑

記沒滅不能詳相傳昔有女士隨二仙姑至此成仙故名山勢蜿蜒又名蟠龍山上有

古刹近經匪亂拆毀邑城東南五十里營邱故城東有紅石崖突

兀斗立弓彎十餘里

南自張家窩鋪起北至吉阿莊

而盡相傳卽齊之牛山焉阿

陀鎮之東北四里許曰叢角山卽隋書營邱縣注之叢角山也金史誤以爲聚角山舊志引文獻通考之聚角山蓋以訛傳訛也今名曰崇山上有廟貌巍然迤東南曰黑山又東曰黃山正北里許曰瑞泉山黃山之西北坡有舊時開礦遺跡其掘出之石堅硬白紋耀然有光蓋銀苗也其中曰筆架山連黃黑二山三峯並峙中峯特高如筆架形又東五里許曰興隆山亦曰茁山又東北十里曰鐵山迤東曰陽山又東北曰大山因多蠹又曰蠹山天將雨清晨遙望霧氣上浮若雲烟然俗謂蠹山戴帽不出三日則雨又北

昌樂縣續志

卷之三

山川志

五

里許曰靈山遙望隱秀如塔水經注曰塔山濰縣志八景之一所謂塔山望日也雍正二年定界屬昌樂又名漑源山蓋山後漑水出焉又西北七里曰虺山又西二里曰五當山再西里許曰荆山在平柳院正東山前有煤井十餘處二十餘年未斷開採由崇山至荆山其間崗陵起伏羅列如兒孫焉由阿陀鎮西南十五里朱翰鎮東北五里許忽起一埠高四五里曰摩天嶺自北而南長十餘里至安邱境伏而不見

長壽山在邑東南七十里朱翰鎮西北形家言是山分脈於安邱境之金山蜿蜒東北入邑境自

小阿陀莊

半里許有白石矗立高一丈

五六尺寬五丈餘三尖如筆架形因名筆架石長壽山北臨大壑

長十餘里名歧崎溝深及千尺石齒嶙峋懸崖削壁其缺處曰南
天門路甚狹隘澗水細流雖久旱不竭溝中出石蒼白色有黑粗
紋質甚堅名曰黎虎石可爲碾礪碌碡又產藥材數十種迤東二
里許有已廢古寺周圍約七八里野老相傳有唐時八胥廟在焉
元代改名曰吉興院今祇存殘碑破鐘暨殿址瓦礫而已此縣境
東南諸山之可紀者也

城北無山祇有小埠二一日京埠在都昌鎮東洪家莊之東南靠濰縣境

一日龍埠在膠濟鐵路北北起後石埠莊南至四圖莊止

安軍埠在縣城正南微西四里許

洪陽埠在縣城正南三里許有段氏碑墓在焉

昌樂縣續志 山川志 卷之三 六

信陵文陵在方山東南方山官莊西劉家莊東汙河之源出焉

唐埠在西菜園莊北天旱用火燎之輒雨

剝馬埠一名臥龍埠在縣城東南十三里郭齊莊東南張孝子名楷碑及其父

泰來公墓在焉

鄧閣埠在北展鎮西其上廟貌巍然四月八日有香火會

馬駒嶺在鄆部鎮東二里許上有大王廟

大牛埠在鄆部鎮東北十里許東西長十餘里

摩天嶺在朱翰鎮東北五里許自北而南長十餘里

紅石崖在營邱鎮東白狼河東岸突兀斗立弓彎十餘里相傳爲

齊之牛山焉

昌樂水多自西南東北流而城南土性輕浮山水驟發則汎濫無軌陵谷變遷任人命名茲就有源者錄焉

堯河發源於臨朐之堯山山在几山之西水經注謂出劇縣南崩

山即古義山堯水即蕤水也流甚細經益都自邑西南二十五里

小河北莊入邑境自此河西爲益都河東爲昌樂復東轉至韓家莊經東

河村再北經黃村高村等莊復東折埠南莊西北經西菴莊再北至水長

流莊自此又折入益都境北十五里至堯溝鎮又以此水爲兩縣分界北經姜家莊夏家莊遂入壽光境流散水坡

大丹河發源於臨朐之丹山即几山竹書紀年云堯放丹朱於丹水

即其地經倉山莊而東折經殷家窪耿家莊岳泉鎮又東經小左

昌樂縣續志

卷之三 山川志

七

莊趙莊常家莊北爲石瀨潺湲砰湃聲聞數里下匯爲潭長數十丈石壁聳立水色深碧爲邑勝概又經韓信莊張河窪復正北經董河窪鳳臺莊南郝鎮電神祠在河東岸河以西朱家莊馬家龍灣徐家園子田家老莊而西折經小李家莊薛家村過膠濟鐵路橋由古劇城西北會小丹河經長莊東傍丹朱塚入壽光縣境

小丹河源齊乘云出方山考其源則出方山南田家泉子莊西南經蠍頭倉一曰俠投倉唐家店子大埠前邊下鎮以東方山西麓之水

皆注焉至岳家河莊西折自北寨至南黃埠莊北凡八折如迴腸之層疊故又名八曲河北過七里溝又北至五里橋明崇禎十一年邑宰劉芳

突於其地築壩穿渠引水入城壕爲護城河年久失修壩圯水仍故道民國十六年縣知事曹宗翰又在五里橋築壩穿渠引水入

城壕至夏澤雨壩圮
水復由故道

而西去又西北經劉家橋五閻家莊高家

河過膠濟鐵路經戴家莊至劇城故址西北入大丹河

濰河發源於方山北麓合草山之水流經老鸛李莊山秦莊姜家坊東折而北經郭齊窪又東折至孤山之南曲折東北流經東朱鎮又折而西北齊乘所謂朱流水也過膠濟鐵路橋經萬莊圈子錢家莊大小石橋莊中間前後牟莊而入壽光境與巨洋水合流入海

汙河齊乘作虞維志作于有三源一出信陵東麓經大解召小解召東北流至耿安莊北與黃山所出之寶泉水合流北去二里許入濰縣境一出方山東麓由耿家店子東北流經曹家廟馮家莊

昌樂縣續志

卷之三

山川志

八

辛旺鎮之東而北流入濰境一出方山東北麓流經響水崖莊東北經羅圈五圖又東經西上疇而南與辛旺鎮西北諸山麓之水合流入濰境後始合三爲一

邢河發源於孤山西麓即石鼈溝之水北過膠濟鐵路橋經蕭家莊迤西蜿蜒而北經邢家河莊因名焉東北經于家莊馬家河至西水坡莊西而北入壽光境

陽河分東中西三股西股源出車絡頂北之龍頭山經響水崖子南音莊韓家莊桃花山西麓而東北經大南岩小南岩又東北經二姑山西麓又東北經北岩鎮西二里許與東股合中股源出喬山西南之無忌塚

一名無忌河

經段家莊仰望鼻子孫家莊大葛家莊

董家莊至大唐杜莊後與東股合東股源出豹山之東蘭窪莊西南經豹山莊東而西北經潘家莊任家河至大唐杜莊後會中股水經北岩鎮東復西北會西股水北經龐家莊子南召莊而西北經秦家河鄧家河莊北大丹河

龍丹河有二源西源出東黃山北經喬官鎮後而東東源出隋姑山西北麓北經喬官鎮南門外而北去至該鎮東北與西源合流復東南經梁家莊賈陶莊又東經高陽阜韓陽阜叢陽阜榮陽阜等莊至此名陽阜河復東南至閻家莊子叢皮匠莊入白狼河

金帶河源有二一出張家莊一出劉家埠東南流至李家河岔合二爲一經河頭莊古城店姜家莊城角頭城前莊河南莊而東至

昌樂縣續志

卷之三

山川志

九

營邱南閣下復東北流入白狼河

北猪河即淳于河

發源於宗家山經黑山莊而東經倪家河王家河郭

家河又東經丁家淳于南趙家淳于北鄧閣埠後復東南經北展鎮西南高家莊子韓家寨子南葛家莊東又北東經朱馬河程家莊馮家莊房家莊張家河窪又東康家莊入白狼河

南猪河即墨水河

發源於打鼓山西北車絡頂下其泉曰墨水

生蝦蟹皆黑因名墨水河經苗家莊李家河潘家槐林王家槐林又南經李家營東去至後張莊南復東至小高鎮莊西北又東南入白狼河

白狼河發源於擂鼓山

即打鼓山

山前孟家峪莊東澗深十餘丈衆泉

涓涓合流而出焉曲折東流經北鄜郡卞家莊前張莊至大高鎮莊東墨水河自西北注焉又東經王河窪韓家莊下皂戶田家莊復折而東北經大宅科五圖莊又東北河岸陡起處曰釣魚臺相傳昔有隱士垂釣其上下有一村因以爲名復東北經崖下店子褚家莊倉上莊東南折而北至康家莊西南復東經馬宋河西莊前而北折有本縣新修石橋在焉自馬宋鎮而東北經寺後莊而北經郝家老莊三圖莊前復東經戴辛牟周辛牟高辛牟張辛牟南紅石崖即北折經尹家莊北紅石崖營邱鎮而東北入濰縣境孟津河有二源東源發於擂鼓山前孟家峪莊西曲折南流經龍旺河牙莊至時馬莊南與西源之水合流經柳山之西入臨朐界

昌樂縣續志

卷之三

山川志

十

再南入安南境至高崖鎮東南入汶河西源發於馮家溝西北經葦溝東山旺之西至時馬莊南與東源之水合

孝義河源亦有二一在第八區上河頭莊東南二里許嶺畔出泉一在第八區之劉家埠東北老龍灣經上河頭莊西北復經東古瞳而北至韓家河莊西復東北經裕祥莊又東北李家河壩又東韓家莊田家樓卓家舖崔家莊復東北至前張次莊後張次莊西汽車橋以北至董家莊入白狼河

龍溪河

明朝名曰方河

發源於船底莊東逶迤而東南流經小阿陀莊前

而東左岸有方學士

即明朝方孝儒

之祖塋及花園舊址在焉南遶舊興

吉院又東環抱明亞中大夫衡府儀賓高察之墓又東南經北周

莊西南朱翰鎮東南納界溝河水而入安邱縣境
界溝河發源於長壽山前東南經柿子莊後復曲折至朱翰鎮西
北環抱至鎮東南入龍溪河

夏莊河發源於高澇窪溝中經史澇窪復西南至夏莊前又西南
注龍溪河

劉家河源有三一出於劉四官莊之西流而東南經趙家莊阿陀
鎮前而東經東劉家河宋家河南莊一出於崇山東南之黑山前
張家莊經田家老莊而東南一出於筆架官莊之前經山王莊南
復經亓家店子折而東南過王俊寺以東三水合一入安邱境

明河發源於葛溝崖南經任宅科孟宅科東折經潘家老莊復東

昌樂縣續志

卷之三

山川志

十一

至明河莊西又東南數里入安邱境

董孟河發源於龍溝崖經東雙廟子莊土埠莊孟家董孟前董孟
正南入安邱縣境

平柳院河發源於平柳院莊北南流里許東經荆山前復南折至
任家埠曲折東南流經孟家莊李木莊白石莊過興隆山東而南
經祝家莊茁山子下莊又一水出興隆山西南經田木莊東南流
又東經良家莊崖頭莊納楊家樓水入安邱縣境

漑河發源於釜甌山北流數里注汙河入濰縣境

泉河在後張次莊東平地有泉五六合流而北可灌園數十畝流
折而西北入濰縣境旱則灌田二百餘畝居民賴之

龍泉在喬官鎮之西南二里許泉水繞村而流因名其村曰龍泉院有古寺遺蹟尚存

汎花泉在北展鎮東南王家河窪莊西南二里許山澗石崖之下四面皆石水從石底上汎形如趺突故名汎花泉水清澈其甘如醴泉上有龍王廟澗名石棚兩壁千仞下闊上窄中有石榻可容數人炎暑之時人遊其地頓覺涼爽澗水下流入白狼河

白石泉

卽白石飛花處
爲縣八景之一

在阿陀鎮東白石莊東一小溪沿溪而北

數十步溪西岸有懸崖石淡白色自西而東宛如臥龍昂首崖下一泉自石壁上出水流瀾瀾入坎激湍四無蔽翳仰見白石日光射之水光上激錯落成文如飛花滾雪橫斜攢簇旋落旋起重疊

昌樂縣續志

卷之三

山川志

十一

萬狀誠天造奇觀也

霸王泉出塔山後俗傳楚霸王過此掘水飲馬有泉湧出故名現泉左有村曰霸王泉蓋村以泉名也

柳泉在南柳泉莊東南十八盤崖下有池如規約半畝名曰南池即古柳泉之別名

盛水泉在營邱古城南二里許嶺上廣數方丈大旱時禱之輒雨高常泉在朱翰鎮之東北三里溝中陡崖下湧出一泉水極清澈飲之能療病而多壽泉之西南有村曰高常莊蓋因泉名焉

溫涼泉在朱翰鎮北二里北周莊西南泉水清冽冬溫不冰而夏涼水西流注龍溪河

吳家池在城東南五里開山口西坡泉出爲池廣二分許水深數尺天旱可引以灌田

讓泉在第七區山坡莊前桃花溝中泉水清冽其甘如醴泉左有巨石如人作拜讓狀故名讓泉流向東北與戴家埠河合二爲一居民引灌田園頗收利焉

乳泉在郭齊莊西南其水懸流若乳俗傳飲之可療疾流入漘河城南蓮池莊有泉出莊東北隅西流入丹河醴泉出北岩鎮之西山麓東北入陽河溫泉在蕭家莊東水澄清冬不結冰夏多荷花開時遊賞者衆梁家池泉曰汙泉徐家廟泉曰方泉孫家莊泉菜園泉水坡泉點燈窩莊有泉水黑流出曰墨溪

昌樂縣續志

卷之三

山川志

十三

以上諸泉皆利於民而無可名者並附記焉

石灣在第七區周圍大石壁立丈餘惟西北有口水所流出潛流溝底兩岸多大石故不利灌溉北流里許合漑水入濰縣境

老龍灣在第六區劉家埠東北水極清澈時有雲霧上有龍王廟旱時居民輒往祈禱即孝義河發源處也

石鼈溝在城東五里堡東溝中青石纍纍小大皆如鼈形下即邢河又東棗林莊前有溝南通蠍山溝底有巨石突起兩丈餘頗似鼈形亦名石鼈溝

山川志卷之三終